



**Ecclesiasticae Historiae, Et Dicta, Inprimis Memorabilia,
Christi, Apostolorum, Martyrum, Confessorum, Doctorum,
& hostium veteris Ecclesie: singulari iudicio, & pio studio,
ex Eusebio Cæsariensi ...**

Eusebius <Caesariensis>

Haer. Chr. Egen., 1571

VD16 E 4284

17. De Repentino Et Horrendo interitu Cerinthi hæretici, negantis diuinam
in Christo naturam, & personalem vtriusq; naturæ, diuinæ & humanæ in
eo, vnionem veram & hypostaticam, qui vixit tempore ...

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

Hæc retulit Papias sanctus de voce docentis,
 Quas habet vires, quæ documenta Dei.
 Non mihi librorum tam prodest lectio sacra,
 Quam me vox presens viua alit atq; docet.

17. DE REPENTINO ET HOR-
 rendo interitu Cerinthi hæretici, negan-
 tis diuinam in Christo naturam, & per-
 sonalem utriusq; naturæ, diuinæ & huma-
 næ in eo, vniōnem veram & hypostasti-
 cam, qui vixit tempore Ioannis E-
 uangelistæ sub Cæsare Traiano,
 Anno Christi 100. Euseb.

lib.4.cap.14.

Accidit ut calidas Ephesi loturus in vrbe
 Sanctus Ioannes ingredetur aquas:
 Inuenit hic vna Cerinthum fortè sedentem,
 Iactantem in Gnatum verba nefanda Dei.
 Nam patris æterni λόγον esse negabat Iēsum,
 Vnitum nostra fædere carne nouo.
 Sed specie Christum cœlo venisse columba,
 Est ubi Iordanis tinctus Iēsus aquis.
 Atq; grauem rursus mortem cum ferret Iēsus,
 In cœli Christum mox rediisse domos.
 Et Christi regnum Solymæ fore mille per annos,
 Pluraq; blasphemо protulit ore docens.
 Quem cum diuinus conspexit Apostolus, inquit,
 Hinc socij, hinc celeres, tollite quisq; pedem.

C 2

Effugite hanc tetram, socij, mox linquite pestem,
 Quæ sceleris pœnas mox peritura dabit.
 Hæc vbi dixisset, thermas mora nulla relinquunt,
 Moxq; habet effectum vox metuenda suum.
 Nam cadit & rapido blasphemum contudit ictu,
 Collapsæ subitæ factæ ruina domus.
 Impia, sic pereant omnes, qui dogmata spargunt,
 " Extenuant laudem quæ, pie Christe, tuam.
 " Arius ut quondam ventris cum stercore fœdo,
 Blasphemus fudit viscera tetra cacans.

18. EVSEBIUS LIBRO EODEM
 capite 15. Contra Corinthum quendam,
 qui procacia potius & temeritate, quam
 deuotione, vt ipse aiebat, profiliisse
 fertur ad martyrium, seq; ipse
 iudicibus ingessisse.

Non temeritas, sed fides & modestia
 coronatur.

Eusebius veterum doctus monumenta reueluens,
 Defalsis dixit talia martyribus:
 " Martyrio nullum decorat temeraria virtus,
 " Sed moderata fides, verus amorq; Dei.
 Supplicium fertur sic insiluisse Corinthus,
 Sæuis oblatus iudicibusq; volens.
 " Sæpe fugit Christus mortem, Paulusq; cruentam,
 Cum ratio officij non vocat ipsa crucem.
 Suppli-